


國立故宮博物院珍藏



清代起居注冊

光緒朝
第四十一冊

清代起居注冊

光緒




十一冊

月 限 表

下列日期前將書還回

博物院珍藏



光緒十六年十月上……………二〇四三一
 光緒十六年十月下……………二〇四八五
 光緒十六年十一月上……………二〇五六九
 光緒十六年十一月下……………二〇六一一
 光緒十六年十二月上……………二〇七三九
 光緒十六年十二月下……………二〇八二九

375042

清代起居注册 / 光緒朝 / (清) 徐致祥等奉敕撰, --
 民國76年：臺北市，聯合報文化基金會國學文獻館印
 行，影印本
 80冊 21公分
 據國立故宮博物院藏手稿本影印
 聯經出版事業公司總經銷

I. (清) 徐致祥等奉敕撰

654.77/7974/76

NT\$ 68,800.00

清代起居注册

光緒朝第四十一冊

76.02.0650

6500113

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五六一號

電話：七六三一〇〇〇一六九五

郵權：〇一〇〇五五九一三號

行政院新聞局登記證局版臺業字〇一三〇號

保有版權·翻印必究

中華民國七十六年二月初版

光緒朝共八十冊
 定價每部新台幣六八八〇〇元

光緒十六年歲次庚寅十月初一日丁酉寅刻

上詣

太廟行禮

先期齋戒三日

駕還養心殿 已刻

詣 儀鸞殿

慈禧端佑康頤昭豫莊誠壽恭欽獻皇太后前請安

奉

皇太后幸純一齋看戲侍晚膳畢

駕還養心殿內閣奉

諭旨劉銘傳奏總兵在營積勞病故懇恩優卹一摺
福建建甯鎮總兵蘇得勝於咸豐年間投効軍營
轉戰江蘇浙江山東湖北等省疊著戰功洵保記
名提督旋經劉銘傳調赴臺灣剿辦生番深資得
力遽以感受瘴氣在營病故蘇得勝著加恩照提

督軍營積勞病故例從優議卹准其於臺北府城
建立專祠入祀原籍及立功地方昭忠祠生平戰
績宣付國史館立傳以彰勞勩伊妻徐氏絕食殉
節著准其旌表該衙門知道又奉

諭旨福建建甯鎮總兵員缺著羅大春補授

是
日

起居注官宗室溥良陸潤庠

初二日戊戌內閣奉

諭旨敬信汪鳴鑾奏查辦事件遵旨覆奏一摺前據
都察院奏福建臺灣布政使于蔭霖以辦糶啟衅
奸商朋謀陷大吏覆奏不實等詞赴該衙門呈
訴當經諭令敬信汪鳴鑾馳驛前往吉林查辦茲
據查明覆奏此案伯都訥廳於光緒十四年秋收
歉薄該廳鄉民呈報災狀已在十月將軍長順借

撥公款俾作賑需且吉林因灾蠲緩賑濟各節曾經先後陳奏六次伯都納廳即在其內並非諱灾不奏該廳貨捐一項向係奏定儘徵儘解自光緒九年以後由紳士代收代解帳目出入弊竇甚多于蔭霖所呈本屬包釐以餘款津貼書院各費並無其事學田一項歸入于蔭霖家所設天德裕號經管顯有侵占欺隱情弊于蔭霖所呈天德裕與

書院另有交涉等語均係虛飾之詞抹免憑帖一項貧民受累甚多于蔭霖家各舖所出憑帖積弊尤甚上年四月該將軍諭禁後並不遵辦于鍾霖復有素服出入衙署條陳錢法假公濟私情事其運貨車輛輒用官銜旗號雖無漏稅確據殊屬不知遠嫌以上各節均經敬信等提集卷宗人證確切查明已革編修于鍾霖既查有干預公事與民

爭利情事業經革職應毋庸議已革貢生蕭德馨
中書銜谷蘭芳貢生張朝翰舉人王文珊增生楊
光黼附生于芳懷陳文俊附貢生楊振聲候選同
知衣佩璋查與長順原叅相符業經斥革亦毋庸
議蕭德馨等挪用公款衣佩璋私借款項均著勒
限完交照例辦理前福建臺灣布政使于蔭霖兄
弟親族干預公事罔利營私平日不能戒阻釐捐

學田抹兌等事情弊顯然輒於奉旨懲辦之後捏
辭申辯希圖朦混實屬咎無可辭于蔭霖著交部
議處吉林將軍長順於飭查事件雖尚認真辦理
惟於于蔭霖倡辦平糶結怨商民未能據實查奏
意在聯絡官紳公事每多遷就亦有應得之咎著
交部議處前署伯都納廳同知孫逢源雖無匿灾
情事惟於屬境歉收並不覆查詳報亦屬不合並

著交部議處委負府經歷黃熾查無勾串朋謀各情幕友秋桐豫朱望亦無擅權納賄慫恿串通證據均著毋庸議餘均照所議辦理該部知道

是日

起居注官宗室壽耆惲彥彬

初三日己亥

上詣儀鸞殿

慈禧端佑康頤昭豫莊誠壽恭欽獻皇太后前請安

辰刻

御紫光閣閱武進士馬步射畢

駕還宮

是日

起居注官貴鐸徐會灃

初四日庚子

上詣儀鸞殿

慈禧端佑康頤昭豫莊誠壽恭欽獻皇太后前請安

辰刻

上御景運門外箭亭閱武進士弓刀石

是日兵部將武進士帶領引

見

上御乾清宮

親定甲乙並分別營衛各員內閣奉

諭旨朕本日殿試中式武舉弓刀石內掇石錯誤之

浙江賈應庚著罰停殿試一科所有原圍監射較
射之大臣及覆試之王大臣均著免其置議又奉

諭旨湖北漢黃德道負缺著孔慶輔補授又奉

諭旨甘肅蘭州道負缺著黃雲補授